

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-758/20
Sarajevo, 8.4.2020. godine

Z A P I S N I K

4. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 8.4. 2020. godine

Sjednica je počela sa radom u 12.20. sati.

Sjednica je održana u KJP Centru Skenderija radi poštivanja naredbi Štaba Civilne zaštite Kantona Sarajevo i preporuka Zavoda za javno zdravstvo Federacije Bosne i Hercegovine s ciljem sprečavanja širenja pandemije Korona virusa (COVID -19), radi čega je sjednica bila zatvorena za javnost i medije.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate i pozvao ih da minutom šutnje odaju počast preminulim od posljedica Korona virusa u cijelom svijetu.

Prije prelaska na rad, predsjedavajući je, u ime Doma naroda, izrazio podršku i zahvalnost zaposlenicima u ministarstvima unutrašnjih poslova, u Graničnoj policiji BiH, u zdravstvenom sektoru, civilnoj zaštiti, komunalnim djelatnicima, humanitarnim djelatnicima, medijima i svima koji se bore protiv pandemije Korona virusa.

Takođe je izražena zahvalnost firmama koje snabdjevaju tržište Federacije robama i uslugama na naporima koje čine kako bi život stanovništva u Federaciji učinili lakšim za vrijeme pandemije Korona virusa.

Zatraženo je od nadležnih organa na svim nivoima vlasti u Bosni i Hercegovini da, bez odlaganja, osiguraju bolju snabdjevenost i zaštitu zaposlenih u zdravstvenom sektoru za vrijeme pandemije Korona virusa. Pozvalo se na solidarnost svih kako bi se zdravstvenim radnicima pomoglo u borbi protiv Korona virusa. Takođe se pozvalo na mudrost i razboritost pri donošenju odluka u ovoj situaciji.

Prema evidenciji Stručne službe, predsjedavajući je konstatovao da sjednici prisustvuje 48 delegata što čini većinu pa Dom naroda može raditi i punovažno odlučivati.

Izostanak sa sjednice su opravdali Mirela Trepanić, Dragana Damjanović, Vesna Saradžić, Stipan Šarac, Drago Puzigaća, Senad Ahmetović, Nikica Bosnić, Aleksandar Štrbac, Sejad Tatarin i Aner Žuljević.

Budući da nije bilo prijedloga za izmjenu ili dopunu predloženog dnevnog reda,

predsjedavajući je stavio na glasanje predloženi dnevni red i na osnovu rezultata glasanja, konstatovao da je Dom naroda Parlamenta Federacije Bosne i Hercegovine jednoglasno usvojio sljedeći

D N E V N I R E D

1. Prijedlog odluke o dopunama Poslovnika o radu Doma naroda Parlamenta Federacije Bosne i Hercegovine

Prijedlog odluke utvrdio je Kolegij Doma naroda Parlamenta Federacije Bosne i Hercegovine.

Prijedlog odluke je, u ime Kolegija, obrazložio Tomislav Martinović, predsjedavajući Kolegija Doma naroda. Predloženim dopunama omogućava se rad Kolegija, klubova naroda, radnih tijela Doma naroda i Doma naroda putem elektronskih platformi za vrijeme vanrednih okolnosti.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 49 glasova za, donio Odluku o dopunama Poslovnika o radu Doma naroda Parlamenta Federacije Bosne i Hercegovine.

Nakon toga, predsjedavajući je izjavio da će se sjednice održavane putem elektronskih platformi održavati po Poslovniku o radu Doma naroda.

Takođe je obavijestio delegate da su inicijative koje su delegati dostavili Domu naroda, prosljeđene Vladi Federacije na postupanje, a da će se dostavljeni prijedlozi zakona razmatrati po proceduri propisanoj Poslovnikom o radu Doma naroda.

Sjednica je završila sa radom u 12:30 sati.

* * *

Transkript sjednice čini sastavni dio Zapisnika.

SEKRETAR
Izmir Hadživdić

PREDSJEDAVAJUĆI
Tomislav Martinović